

妙法聖念處經

卷一

四  
百  
九  
十  
四  
俠  
一

51467



元祿九年丙子二月日重脩

皇圖鞏固 帝階綴昌

佛日增輝 懋輪崇轉

山城州天安寺法金剛院置



Handwritten marks and characters at the bottom right corner, including what appears to be a signature or a date.

大宋新譯三藏聖教序

御製



俠

大矣哉我佛之教也化導群迷闡揚宗性廣  
博宏辯英彥莫能究其旨精微妙說庸愚豈  
可度其源義理幽玄真空莫測包括萬象譬  
喻無垠綜法網之紀綱演無際之正教拔四  
生於苦海譯三藏之秘言天地變化乎陰陽  
日月盈虧乎寒暑大則說諸善惡細則比於  
恒沙含識萬端弗可盡述若窺像法如影隨  
形離六情以長存歷千劫而可久須彌納藏  
於芥子如來坦蕩於無邊達磨西來法傳東  
土宣揚妙理順從指歸彼岸菩提愛河生滅

用行於五濁惡趣極溺於三業途中經垂世  
以難窮道無私而永泰雪山貝葉若銀臺之  
耀日歲月煙蘿起香界之自遠巍巍罕測杳  
杳難名所以道資十聖德被三賢至道起於  
軋元衆妙生乎太易惣繁形類竅鑿昏明絕  
彼是非開茲蒙昧有西域法師天息災等當  
持四忍早悟三乘翻貝葉之真詮續人天之  
聖教芳猷重啓運偶昌時潤五聲於文章暢  
四始於風律堂堂容止穆穆輝華曠劫而昏  
墊重明玄門昭顯軌範而彌光妙法淨界騰  
音利益有情俱登覺岸無成障礙救諸疲羸  
冥昧慈悲浩汗物表柔伏貪佞啓滌昏愚演

小乘聲聞合其儀論大乘正覺立其性含靈  
悟而蒙福藏教缺而重興幻化迷途火宅深  
喻雖設其教不知者多善念生而無量潛臻  
惡業興而隨緣皆墮調御四衆積行十方樹  
花雨於金輪護恒沙於玉闕有頂之風不可  
壞無際之水弗能漂澄寂湛然圓明清淨之  
智慧性空無染妄想解脫之因緣可以離煩  
惱於心田可以得清涼於宇宙朕慚非博學  
釋典微閑豈堪序文以示來者如縻螢爝火  
不足比之於皎日將微蠡量海未能窮盡於  
深淵者哉

妙法聖念處經卷第一

桑多中印度摩伽陀國那爛陀寺三藏傳教大師賜紫沙門臣法天奉詔譯

如是我聞一時世尊在大眾中天人圍繞瞻仰尊顏目不暫捨時諸大眾即於佛前而說偈言

歸命一切智

三界第一尊

敷演微妙音

廣利諸群生

亦時世尊告諸大眾即說頌曰

若有諸眾生

不殺施無畏

慈心能忍辱

端嚴壽無比

若於有情所

如同父母想

能離不與取

智慧福無量

若行善身業

離欲心堅固

不觀女妙色

解脫諸惡趣

世間應遠離

體性本清淨

煩惱不能伏

浮生苦最大

苦樂猶心起

因果理無偏

降伏諸根亂

是名苾芻行

沙門婆羅門

令心不散亂

涅槃理須證

解脫忻可證

似金礦覆藏

上妙觸生愛

善惡事不分

得失事亦然

善惡友離合

平等心要行

利益諸有情

煩惱伏應斷

智慧修增長

諸苦應遠離

勤發正見心

佛說此難比

解脫諸輪迴

甘露味無比

雖獲上供養

知足心歡喜

如草被火焚

水火不能侵

白業真智果

佛說苾芻行

樂求種種智

不墮諸輪迴

若人求白法

須彌愛不動

等彼栴檀香

嬌奢耶妙衣

貪愛不染著

了知不究竟

供養興福慧

河水終無盡

不貪諸境界

相應恒現前

了達真實法

令心不散亂

惠施諸境界

劫火不能壞

無明諸有本

真正牟尼行

樂行於忍辱

見者心歡喜

林野離憤亂

是名苾芻行

解脫最安樂

思惟不可得

利他平等業

遠離諸邪執

意根樂執著

輪迴從此生

煩惱勤伏除

端嚴離冤害

能仁妙相因

愛樂心歡喜

持鉢恒一食

三塗最為苦

真如離彼此

柔和常質直

正行恒相應

意根稱最勝

意根能速疾

意根能歡喜

伽陀演說此

業果善了知

了知得失事

六根中第一

林間樂止任

正行從此出

常處等引位

風雲不能染

善護身口意

魔眾不能壞

不害物名善

能作亦能說

抖擻諸煩惱

能趣妙菩提

一切諸有情

遠離諸冤賊

了知是六根

抖擻諸業障

譬如於虛空

正見恒相應

智慧如燈明

慈悲利益深

威儀無缺犯

方任苾芻心

眼被色境縛

三界不能出

真俗智微妙

運用叵難思

多聞求解脫

伏除令不生

余時世尊說此偈已告諸大眾若有衆生煩

惱纏縛三界輪迴受諸苦惱若行十善感果

人天愛樂歡喜譬如圓月離諸障礙清淨無

比覩之歡喜又如柴薪火能焚燒如是惡業

應當伏除離於三界生死輪迴解脫諸苦又

礙之餘非轉

煩惱縛有情

善巧事還希

諸佛同共讚

貪恚不能違

善護身三業

如飛禽得離繫縛自在無礙若諸有情不造  
諸業出離三界證二空理苦惱不侵貪恚非  
深了達輪迴譬如燈明照了物像正智相應  
恒無間斷離諸邪執受樂寂靜塚間樹下捨  
離諸惡親近善友比丘如是修出家行一切  
可愛諸境界等不應貪著不樂房舍離於貨  
易及虛妄語不樂歌舞捨離憎愛林中一食  
最上菩提常樂趣求離不與取持糞掃衣歡  
喜知足止住林野寂靜思惟離散亂想及貪  
恚等常行慈心利樂有情遠離愚闇修習智  
慧離煩惱業解脫生死修八聖道寂靜現前  
破壞一切諸煩惱苦茲芻如是應當修習堅

固善根遠離染欲專心一境愛樂真如種種  
智慧增長圓滿無漏淨法了知有漏虛幻不實  
尔時佛告諸苾芻言若有苾芻安住梵行清  
淨柔和善修止觀愛樂靜慮林間遊戲遠離  
諸染了達迷妄亦如飛鳥虛空影隨比丘亦  
尔三衣隨身善修平等恒思正法伏滅煩惱  
智慧相應趣求見道乃至彼岸究竟涅槃比  
丘應知如是觀察安住歡喜而於輪迴及老  
病死常乃怖畏如阿蘇囉及餘天衆歡喜恭  
敬獲得上妙僧伽胝鉢不假餘器守護梵行  
不令毀犯清淨無垢不著諸味及利養等  
尔時佛告諸苾芻言若諸有情捨離悲心我

慢放逸焚燒諸善難盡諸漏

尔時世尊乃說偈言

若捨悲精進

無明慢相應

寂靜不現前

無由漏除滅

尔時佛告諸比丘言若復有人於諸卧具上

妙細軟不應愛樂覺悟無明迷暗根本諸惑

隨生謂此無明徧諸染心彼若無時應非迷

暗了達諸法等持靜慮應盡諸漏

於是佛告諸比丘言若欲經行在於林中寂

靜不亂於諸非法酒色等境不應愛樂比丘

如是若諸魔衆由業繫縛惱亂修善如人飲

毒自作自受汝今破戒行於邪命煩惱繫縛

墮大地獄受種種苦

比丘當知行乞食時若見女人如毒蛇想專  
注一心思惟正法不求名利及諸妙境離業  
繫縛令心平等不行毀謗若入聚落如林野  
想乞飲食時如療病想起煩惱時焚燒林想  
求妙法時趣正路想處牀卧時鹿驚怖想入  
諸禪定遊園觀想見阿羅漢作福田想不樂  
境界語言戲論恒求解脫國王大臣利益親  
近上妙飲食勿希貪想施主名利恒非欺誑  
心行方便不起瞋恚貪樂房舍親近豪族如  
魚樂水安住不捨遠離知識迷背真實希求  
虛幻如燈夢電作解脫想尊重邪道恒行恭

敬最上真實不能了悟

亦時佛告諸比丘言應知省覺愛樂經行禪定智慧恒行慈心趣求最上真實解脫獲於正見了達諸法恒常修習忍辱精進捨離貪恚及諸散亂

佛告比丘應當愛樂一切有情憶念憐愍令離顛倒及諸纏縛解脫衆苦茲芻應知於諸境界離深侵害譬如金體性離塵垢

比丘當知若至親友及往非親應離貪恚了知損益若罪非罪安隱艱辛方便降伏爲說法要隨彼利鈍聰明愚昧導以勝劣誠之正說比丘應知林間經行寂處習定捨離過非恒

樂真如了信因果勝劣差別遠離諸毒降伏  
諸根不起過非智慧相應令心歡喜止息毀  
謗如海甚深相應無盡心意堅固不起疑慮  
不貪妙色聰愍平等應時善說欲色無色虛  
妄真實不說世間是非語言遠離過患諸境  
界等譬如諸毒及以淤泥勿令侵害解脫輪  
迴無明遠離禪定智慧辯才宣演法義最上  
離妄顛倒一切塵垢不令染污一切所作皆  
為利益於衆僧處不起違背身語意業離彼  
纏縛不求人天修諸善業不為名利趣向涅槃  
苾芻應知恒離惡友不作諸非非常以慈心平  
等觀察心意調柔護戒清潔隨順真實離妄

怖畏不迷輪迴及諸靜慮了達無常空智自在梵衆諸天安任靜慮趣向日出槃聽聞妙法了悟誠實歡喜踊躍

尔時世尊說伽陀曰

業果善不善

所作受決定

自作自纏縛

如蠶蟲等無異

苦澁及甘美

諸苦并煩惱

如影恒隨逐

飲毒自侵害

尔時世尊說此偈已告諸比丘若有衆生善

修智慧破煩惱火安任梵行愛樂三寶見聞

隨喜不起貪恚作解脫想了達不動趣向真

實安任最上離老病死及諸輪迴煩惱究竟家

相續不斷

尔時世尊告諸比丘若於靜處修習梵行趣自然智諸天梵衆恒來親近禮事供養所以者何愛樂梵行能壞輪迴遠離煩惱令心調伏捨離黑暗及諸冤家勿令侵害猶如乾草離火焚燒捨離煩惱亦復如是

佛告比丘若復有人迷諸境界恣縱諸根違背涅槃心不平等恒行苦因邪見纏縛一切諸惑不能伏除廣集資具貪心熾然最上福田愚迷障蔽曾無省悟若遇法師方便開化遠離諸惑及貪等深息除猛焰及離諸觸趣向最上甘露妙法安住最上善友知識愛樂

靜慮修習智慧煩惱如山而能破壞安住淨  
惠捨諸愚暗及離輪迴獲妙果報聰惠最上  
修諸勝行心意相續少欲知足息除邪執繫  
縛攀緣悉皆遠離如魚吞鈎貪味自縛有情  
亦尔愛樂五欲恒時不捨廣興諸業輪轉生  
死無有止息迷昧染因諸趣差別無有窮盡

尔時世尊乃說頌曰

若人作惡業

輪迴地獄苦

餓鬼及傍生

淪沒無窮盡

等活與黑繩

衆合并號叫

燒燃極燒然

阿毗大地獄

艱辛惡業苦

刺長十六指

四壁并四門

悉皆鐵所造

尔時世尊告諸比丘彼諸地獄焰火熾盛暴  
惡甚多相續無間百踰善那難可調伏形色  
毛豎甚大怖畏極惡之聲聞皆酸楚有情惡  
業墮此獄時頭下足上刹那生彼受種種苦  
展轉焚燒晝夜啼泣出大惡聲如魚穿炙皮  
肉糜爛徧滿黑暗心意迷亂罪人見彼琰魔  
羅界大火焚燒迷亂悶絕造業同者處之一  
獄人人纏縛獄卒牽挽受苦難當而無間斷  
若人少智虛妄造罪由此輪轉冤家聚會受  
地獄苦

時諸比丘而白佛言此琰魔羅受罪之人云

何纏縛受苦無量

尔時佛告諸苾芻言此人恒常毀謗正法不生信受因果不了迷諸地獄不生怖畏起煩惱火焚燒諸善以此業因墮琰魔界受如是苦最上火難而無間斷瞋恚冤家愚癡黑暗隨業而受業盡方出

佛告比丘若復有人欺誑虛詐於他妻女耽染不捨纏縛生盲恒覆光明不能了悟時諸比丘復白佛言處人卑賤愚昧無智復作何因感果如是佛告比丘此於過去我慢心高輕毀賢善慳貪嫉妬故受斯報若復有人離間彼此及作

惡業由此因緣墮諸地獄若生人中乏少男  
女財物散失知識遠離命欲終時顛狂怕怖  
眷屬守護迷諸境界不能了達

尔時世尊即說頌言

自作還自受

殘害罪有情

暴惡苦器多

業盡方能免

世間造諸業

善不善恒隨

譬如花有香

遠近皆相逐

尔時世尊告諸比丘譬如飛禽棲止林樹聚  
散非恒父母親族亦復如是

佛告比丘若復有人於寂靜處繫念思惟修  
習善業捨離愚暗彈竿縹索暴惡非法臨命

終時身心無惱離諸驚怖獲報天上飲食衣服隨心自在眷屬宮殿悉皆圓滿聰明智慧資具園林無所乏少壽命形色圓滿具足若復有人自心欺詐誑惑世間男女眷屬朋友知識訶罵毀辱廣造諸非命終之後墮諸惡道受苦無量從彼出已若生人中貧窮下賤衣食乏少男女眷屬皆悉厭離虛妄愚迷不了因果貪瞋等惑相應無間於諸善事不曾修習惡友非法恒時親近

今時世尊而說頌曰

地獄受諸苦  
焚燒從業生  
人中因苦纏  
皆隨自心造

輪迴三界內

往來如蟻環

業果不為緣

相續無窮盡

尔時世尊說此偈已告諸苾芻若獲聖果方  
免輪迴無所繫屬自在安樂業及業果不能  
傾動若復有人起貪瞋惑及造諸非墮於地  
獄猛炎焚燒一切身體受種種苦發聲號哭

思惟方便不能得脫如是苦澁不善之業愚  
迷自造譬如猛火焚燒林野一切草木無由  
得免惡業亦尔輪迴地獄受諸苦惱不能遠  
離若復有人捨離惡友不造諸非了悟因果  
離諸疑謗修習正見信樂真如寂靜安樂遠  
離輪迴及諸苦惱最上無比無相無為離妄

顛倒常樂我淨自在無礙離諸繫縛善不善業皆悉遠離

妙法聖念處經卷第一

狹

序 太宗御製

闡揚

上昌

宏

辯

上惠

英

彥

下魚

箭

反

垠

反

魚

斤

魚

反

綜

子

惣

理

反

網

綱

二音

拯

溺

上

蒸

字

上

聲

反

的

反

杳

杳

深

遠

貌

窳

鑿

上

苦

弔

反

下

拔

也

下

由

美

穆

音

敬

也

昏

墊

下

音

店

軌

軌

上

俱

委

反

疲

羸

下

力

貪

很

下

胡

懇

反

頑

滌

徒

的

反

洗

潛

臻

上

昨

鹽

反

至

也

澍

音

湛

然

上

宅

滅

縻

瑩

二

也

燭

火

上

在

約

反

也

蚕

字

淵

反

烏

玄

妙法念處經卷第一

忻

許斤反

金礦

下俱

憤亂

上俱

姝反

拊

擻

斗音叟

叵

不可也

細軟

下軟

利鈍

下徒困

反也

蠶

俗作

障蔽

下必

號叫

上戶

刺長

上七

酸楚

上蘇

糜爛

上密

琰魔

上閻羅

一檢反

別

王牽挽

下

殘害

上俗

彈竿

上徒

粘竿

反

索

上俱

反

